



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Provinciæ Paraquariæ Societatis Jesv**

**Techo, Nicolas**

**Leodii, MDCLXXIII.**

Cap. 9. De Chunorum & Huillorum moribus.

**urn:nbn:de:hbz:466:1-38528**

quām postea agrē se morib⁹ Christianorum accommodavit; longēque plus laboris in fruge excolenda, quām in seminanda, ponendum fuit. Præcipius obex honorum motum poligamia erat, & vetus consuetudo Chilenorum, conjuges quanto maximo possunt numero ementium, renuentiumq⁹ eas deserere, quas magno pretio comparaverint. Præterea libertatis amittend⁹ suspicio, si feritatis ostentatione deposita, mansuetudinem Christianam præferant: dæmonum furor, & id genus similia, ne Fidem conservarent aut capeſſerent, magno obstaculo erant: continuo tamen excursionibus omni ope contendebant Socii, ne qui se Christo consecraran, dæmonis servitio se denuo manciparent, quorom improbo labore fructus perceptus est, pro conditione locorum non usquequaque pœnitendus.

*Religionis  
promovenda  
impedita.*

**A**RCHIPELAGI Chiloënsis insulas gnawiter excolebant, Melchiore Vanegā præposito, terni Socii. Ad eas ibisulas semel in anno navis una militibus stipendum latura, ab Chileno Prætore mittebatur, subvehebatq⁹ etiam Socii, liberalitate Regis Catholici extrema mundi attingentis, aliquantulam annonam: extra quæ tempora nullum cum Apostolicis his viris litterarum alteriusve rei commercium intercedebat, nisi quod post binos ternos annos mutatis vicibus ad Conceptionis Collegium, conscientiarum suarum rationem reddituri, renavigarent. In his insulis ad octoginta Ædicas, totidem in vicos littoralibus abs se constructas, continuā fermè per torum annum navigatione se conferentes, sex octōve dies in singulis commorati, Barbarorum saluti indefessā operā intendebarunt. Et verò tam grata Insulanis præsentia Sociorum erat, ut cū ex uno pago, insulāve, ad aliam properarent, lamentabiliter Indi se deseri quererentur, citum regressum lacrymis, gestibus, voce postulantur. Famā de eorum adventu per quamcumque Insulam delatā, prodibant catervatim Barbari ex antris & sylvestribus locis, infantes suos Baptismo, & se Exhomologesi, offrentes. Si qui vexationum metu prodire non audebant, aut morbis detinebantur, per abruptam montium & sylvatum invia ab Sociis indagabantur, nullis laboribus parcentibus, quò aliquo animarum lucro ditescerent: & verò ingens retulere: nam perpetuis terrā marique excursionibus effecere, ut rari jam adultæ ætatis homines in omnibus Chiloënsibus insulis reperitentur, qui non Baptismum admississent: constatque ex Provincialis ad Generalem Præpositum litteris, à primo Societatis in eas insulas ingressu, per Socios novem circiter capitum millia fuisse baptizata. Tantis laboribus fructibusque non contenti, ultima terrarum pervadentes, ad Chunorum Huillorumq⁹ terras penetrare ausi sunt: quam expeditionem, quia egregium Apostolicæ fortitudinis exemplar habet, retracto ad præterita tempora tantisper stylo, non illibenter simul expediam.

**CAPUT**  
VIII.  
Chiloënses  
insulae ex-  
coluntur.

*Ottaginta  
facilla adi-  
ficantur.*

**C**UM Didacus Torres Provincialis Melchiorē Vanegam, & Joannem-Baptistam Ferrufinum ad Chiloënses Insulas primum amandaret, utriusque in mandatis dederat, ut in Chunorum & Huillorum, freto Magellanico adjacentium, mores diligenter inquirerent, & si quæ spes affulgeret eō faciem Evangelicam traducendi, speciatim ad se perscriberent: quorum utrorumque votis Delco, Chunorum facilè princeps, satisfecit. Is commercii ergo è patria ad Chiloënses insulas ventitare solitus, aliquando repeterat inter Hispanorum commercia gemmam Evangelicam; & Petri nomen in Baptismo consequutus, nihil oprabat ardentius, quām ut filius idem beneficium adipisceretur: ejus rei gratiā ad Socios, Chiloënsium insularum inspectione occupatos, veniens, multiplici utrumque gaudio perfudit. Trahebat secum in quinque naviolis, præter familiam, numerosum comitatū, & Chiloënsis lingue peritum, quo usus interprete, post mutuæ gratulationis officia, hæc fermè de Chunorum & Huillorum moribus Delco ab Sociis interrogatus narravit. Ab Chiloënsi, inquit, Archipelago distat tridui itinere Guatana, prima Chunorum insula: eō itur per mare continuā fermè tempestate commotum, exiguo quidem insulanorum, notitiam maris ac ventorum quotidiano usu adeptorum, periculo; sed si externi adnavigent, ob syrtes & uada, certum aditus naufragii discrimen. Ceterum gens omnis partim in continentis Americae ora, partim in insulis proprie innumeris, non procul ab littore

**CAPUT**  
IX.  
De Chun-  
rū & Huill-  
lorum mo-  
ribus.

*habitat.*

Chunorum  
cibis.

Potus.

Vestitus.

Huillorum  
regio.

Domus.

Barbarus.

CAPUT  
X.  
Melchior  
Vanegas &  
Matthæus  
Stephanus  
navigant.

Baptizant.

habitat, adeò parvo numero, ut nulla insularum, si Guatanam excipias, plures tribus quatuorve familias alat: solum omne infæcundum, petrosum, sylvestre, nullam fermè jementem recipit: arbores, si virorem spectes, Chiloënsibus arboribus longè tristiores sunt: piscibus atque maris rejectamentis indigena vicitant, ope mulierum sese in profundum maris submergentium, & longo post tempore cum ingenti piscium preda, in canistris è collo pendentibus, emergentium: aquæ dulcis inopia maximè laborant: pro potu ex lapis marinis oleum exprimunt; præter quem liquorem nullius vini aut portionis delicias norunt: eo oleo largiter ehibito, & ventre immoderata pescium ingurgitatione distento, evomitq., debacchationes suas cum ebriorum gestulationibus celebrant, ne nempe agnatis gentibus, ebrietatum solemnia inter præcipua hilaria habentibus, cedere videantur: quanquam in Guatana insula, patria mea, triticum turicum, ex quo vinum conficitur, non male jam provenit. Indigenarum plurimi capillo rufi, oris colore oleastri, & ingenio mitis sunt. In remotioribus insulis canes aluni villosos jubatosq., è quorum tonso crine vestes conficiunt adeò breves, ut præter humeros ac pectus nibil reliqui corporis contegant: virilitatem algamarinam, seu ingentibus foliis in mari natis, & Sole duratis, velant. Hæc fermè Delco. Sed Huillorum ad Magellanicum fretum vergentium conditio longè miserabilior, & indoles asperior est: sub quinquagesimo fermè latitudinis Australis gradu, in frigidissima regione, toto corpore nudi incedunt: plicatiles ex arborum corticibus casas in conum erigunt: nihil cocti comedunt: pro omni cibo pisces crudos & ostrea devorant; pelle pænè nigri, crine adeò alpero erectoque, ut setis quam humanis capillis similiores sint. Gens numero modica est, nec aliam paucitatis suæ rationem reddunt, quam quod partim conditione loci, partim hostium suorum incursionibus minuantur: nam Huillos Chugitanquam feras venantur, & pro mancipiis aut apud se habent, aut ad Chiloënses insulas transportatos vendunt, donantve pro libitu: aliquantulum in servitute quam in patria feliciores. Stolos pro vocibus edunt. Antequam transportati Chiloënsim linguam didicerint, nulli alii usui sunt, quam ut aves ab seminibus, tamquam terticula, arceant, æquè terreri ac terrere idonei. Interpretis auxilio Joannes-Baptista Ferrufinus decem Dei mandata & solemnes Christianorum preces, ac formulam detestandi peccata biduano labore in linguam Chunam adeò feliciter vertit, ut Barbari vix se præ stupore caperent. Delco pro filio Baptismum summis precibus flagitabat; differri tamen debuit, quod non satis capacem nostrorum Mysteriorum tantillo tempore se ostenderet, & maris tempestivitas ad redditum suum Chunos urgeret, qui variis munusculis donati, lamentabili vultu gestuque, & quâ poterant vocis contenione, ut secum ad insulas suas Patres ire vellent frustrâ precantes, sese ab mutuo aspectu ingenti cum utrorumque dolore abstraxerunt: hoc uno aliquousque se consolantes, quod Melchior Vanegas promitteret se in omnem occasionem procurandæ eorum salutis intenturum.

**S**ED sequenti decennio non aliis ex his nationibus fructus perceptus est, quam qui ex Chunorum Huillorumque ad Chiloënses Insulas adnavigatione, post longa temporum intervalla, offerebatur; donec hoc, de quo scribimus anno, idem Melchior Vanegas, Australium Insularum diuturnus & planè Apostolicus doctor, ejusque Socius Matthæus Stephanus, spretis ingentibus discriminibus, incognito mari se committentes, mirabili apud posteros exemplo ad Chunos adnavigare decernerent. In transfretatione, horrefcente mari, cymba quâ vehebantur pænè submersa est: emersere tamen, post varia pelagi ludibria, ad Guatanam insulam, ubi Delco, cognito eorum adventu, exemplo ab Chiloënsibus sumpto, Sacellum ad usum Sacrorum ædificaverat, popularesque suos quanto maximo numero potuerat, congregarat, eo fine, ut baptizati in album filiorum Dei referrentur. Inde ad continentem & adjacentes insulas eodem periculo delati, plerosque doctrinæ Christianæ sitientissimos reperere; non pluribus tamen ducentis ac duodecim capitibus salutares aquas infudere, quod diutiùs abesse ab statione, cui eos imperia Majorum affixerant, non possent: ostendebant tamen quâ verbis, quâ gestibus, nisi obedientiæ funibus retraherentur, libenter se inter Chunos totâ vitâ re-

mansuros